

**CONVENIO DE COLABORACIÓN ENTRE A CONSELLERÍA DE CULTURA,
EDUCACIÓN E ORDENACIÓN UNIVERSITARIA DA XUNTA DE GALICIA E
O CONCELLO DE SOUTOMAIOR, PARA A CONSTRUCIÓN DUN
INSTITUTO DE EDUCACIÓN SECUNDARIA NA LOCALIDADE DE
SOUTOMAIOR**

En Santiago de Compostela, a 9 de agosto de 2016

REUNIDOS

DUNHA PARTE o Sr. conselleiro de Cultura, Educación e Ordenación Universitaria da Xunta de Galicia, D. _____, que actúa en virtude das facultades atribuídas no artigo 34 da Lei 1/1983, do 22 de febreiro, reguladora da Xunta e da súa Presidencia e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia e de acordo co seu nomeamento polo Decreto 15/2015, do 9 de febreiro e no uso das atribucións que lle confire o Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria.

DOUTRA PARTE o Sr. Alcalde-Presidente do Concello de Soutomaior, - , e que actúa en representación do concello de acordo cos artigos 21.1 b) da Lei 7/85, do 2 de abril, de bases de réxime local, e o artigo 61.1 a) da Lei 5/97, do 22 de xullo, de administración local de Galicia.

Ambas partes recoñécense mutuamente capacidade legal suficiente para subscribir o presente Convenio de Colaboración, e a tal efecto

EXPOÑEN

Primeiro.- Que as Administracións das Comunidades Autónomas poden celebrar convenios de colaboración coas Corporacións Locais ou con outros entes de dereito público e con persoas físicas ou xurídicas suxeitas ao dereito privado, ao abeiro do disposto no artigo 6 da Lei 30/1992, do 26 de novembro, de réxime xurídico das administracións públicas e do procedemento administrativo común.

Segundo.- Que segundo o artigo 193 da Lei 5/1997, do 22 de xullo, de administración local de Galicia, as Entidades Locais galegas e a Xunta de Galicia adecuarán a súa actuación aos principios de colaboración, cooperación e auxilio que puidesen precisar para o eficaz cumprimento das súas tarefas.

A colaboración entenderase como o deber de todas as Administracións Públicas de ponderar e respectar, nas súas respectivas actuacións, a totalidade dos intereses públicos implicados, así como, no traballo en común para a solución daqueles problemas, que puidesen exporse mais alá do concreto reparto competencia.

Terceiro.- Que o artigo 25.2 da Lei 7/1985, do 2 de abril, reguladora das bases de réxime local, modificada pola lei 27/2013 de decembro, de racionalización e sostenibilidade da Administración Local establece a competencia das entidades locais na participación e cooperación coa Administración educativa na creación, construción e sostemento dos centros docentes públicos.

Así mesmo, a disposición adicional décimo quinta, apartado 4, da Lei Orgánica 2/2006, do 3 de maio, de educación determina que os municipios cooperarán coas Administracións educativas correspondentes na obtención dos solares necesarios para a adaptación ou construción dos centros docentes.

Cuarto.- Que a Consellería de Cultura, Educación e Ordenación Universitaria, en harmonía co artigo 31 do Estatuto de Autonomía de Galicia, ten as atribucións que

veñen reflectidas no artigo 1 do Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria en materia de planificación, regulación e administración do ensino regrado en toda a súa extensión, niveis e graos, modalidades e especialidades.

Quinto.- Que co fin de materializar a cooperación para potenciar o desenvolvemento do sistema educativo galego, en especial no que atinxe á comunidade escolar da entidade local, a Xunta de Galicia, a través da Consellería de Cultura, Educación e Ordenación Universitaria, e o Concello de Soutomaior acordan subscribir o presente convenio de colaboración para a construción dun Instituto de Educación Secundaria na localidade de Soutomaior.

Sexto.- Conscientes da antedita necesidade as partes intervenientes acordan unir os seus esforzos para acadar o obxectivo sinalado. Por iso, e a fin de levar adiante o proxecto no Concello de Soutomaior, é necesaria a concorrencia de medios e achegas de ambas as dúas partes interesadas, polo que é preciso determinalo contido da mencionada colaboración.

Por todo elo e conscientes da necesidade de colaborar para a obtención do obxectivo exposto, ambas partes, de común acordo declaran a súa vontade de subscribir o presente convenio, de acordo coas seguintes

CLÁUSULAS

Primeira.- Obxecto do Convenio.- Constitúe o obxecto do presente Convenio o establecemento dos mecanismos de colaboración necesarios entre a Xunta de Galicia, a través da Consellería de Cultura, Educación e Ordenación Universitaria, e o Concello de Soutomaior para a construción dun Instituto de Educación Secundaria na localidade de Soutomaior, de acordo co establecido na cláusula segunda do presente convenio.

Segunda.- *Compromisos e achegas.-*

Polo Concello de Soutomaior.-

- O Concello como propietario da parcela onde se situará o centro escolar cedeu a favor da Administración xeral da Comunidade Autónoma os terreos necesarios conforme documento de data 5 de novembro de 2014 que se xunta a este convenio, co obxecto de que á Consellería de Cultura, Educación e Ordenación Universitaria leve a cabo a construción dun Instituto de Educación Secundaria na localidade de Soutomaior. Esta cesión é libre de cargas e gravames e sen reserva algunha.
- Será responsabilidade do Concello de Soutomaior garantir que os terreos onde se pretende a execución da obra estean dotados, ao pé da parcela, dos usos urbanísticos e das infraestruturas adecuadas para o servizo educativo (abastecemento de auga, subministración eléctrica, saneamento e rede de sumidoiros, subministración de gas natural e acceso rodado) tal e como se establece no ANEXO I, con carácter simultáneo á execución das obras, así como dos correspondentes permisos e autorizacións necesarias para levalas a cabo.
- A entidade local, comprométese a expedición da pertinente licenza municipal de obras.

Colaborará economicamente coa cantidade resultante da suma dos impostos correspondentes á taxa por licenza urbanística e ao imposto municipal sobre construcións, instalacións e obras que teña a súa orixe nelas.

Pola Consellería de Cultura, Educación e Ordenación Universitaria.-

- Realizados polo Concello os trámites para cesión dos terreos sinalados anteriormente, e logo do informe favorable dos técnicos da Consellería de Cultura, Educación e Ordenación Universitaria, a Consellería procedeu a supervisar e aprobar o proxecto básico e de execución para a obra de construción dun Instituto de Educación Secundaria na localidade de Soutomaior.
- Unha vez supervisado o proxecto básico e de execución, a Consellería de Cultura, Educación e Ordenación Universitaria iniciou a tramitación da contracción do gasto con cargo aos seus orzamentos, así como a tramitación dos correspondentes expedientes de licitación, dirección, execución das obras de construción dun Instituto de Educación Secundaria na localidade de Soutomaior, supeditándose o inicio da execución das obras á firma deste Convenio.

Terceira.- Mecanismos de seguimento.- A fin de realizar o seguimento e a avaliación do grao de execución do convenio, así como a interpretación e cumprimento do presente Convenio, ambas as partes conveñen a constitución dunha Comisión mixta paritaria, composta por dous representantes de cada unha das partes signatarias, estando presidida por un representante da Consellería de Cultura, Educación e Ordenación Universitaria.

A Comisión de Seguimento reunirase sempre que o solicite algún dos membros, así como no caso en que xurda algún tipo de controversia durante a súa execución.

Cuarta.- Vixencia e Resolución.- O presente convenio entrará en vigor na data da súa sinatura e estará vixente ata o momento en que rematen as actuacións previstas na cláusula segunda.

Ademais da expiración do seu prazo de vixencia, serán causas de extinción do Convenio o mutuo acordo das partes asinantes ou a decisión unilateral dunha parte por incumprimento da outra parte ou porque existen causas excepcionais e xustificadas que

dificulten ou obstaculicen o cumprimento das estipulacións que constitúen o seu contido, previa denuncia cun prazo de dous meses de antelación.

Quinta.- *Natureza e xurisdición.-* O presente Convenio ten natureza administrativa, sendo o réxime xurídico aplicable ao mesmo o establecido no Título I da Lei 30/1992, de 26 de novembro, de réxime xurídico das administracións públicas e do procedemento administrativo común.

Calquera cuestión que se suscite en canto á aplicación, interpretación e efectos do presente Convenio, que non queden solventadas pola Comisión mixta de seguimento prevista na cláusula terceira serán resoltas polos órganos da xurisdición contencioso-administrativa.

E en proba de conformidade, asinan o presente Convenio por triplicado, quedando un exemplar en poder de cada unha das partes asinantes, no lugar e data indicados.

POLA XUNTA DE GALICIA
A consellería de Cultura, Educación e
Ordenación Universitaria

POLO CONCELLO DE
SOUTOMAIOR

ANEXO I

AO CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA DA XUNTA DE GALICIA E O CONCELLO DE SOUTOMAIOR, PARA A CONSTRUCCIÓN DUN INSTITUTO DE EDUCACIÓN SECUNDARIA NA LOCALIDADE DE SOUTOMAIOR

Determinación dos usos urbanísticos e infraestruturas (abastecemento de auga, subministro eléctrico, saneamento, subministro gas natural, acceso rodado, etc.) da parcela a realizar con carácter simultáneo á execución das obras, conforme ao proxecto de urbanización aprobado polo Concello:

- Acceso rodado a pe de parcela.
- Abastecemento de auga.
- Subministración eléctrica coas características e potencia necesaria para o funcionamento do centro e que figurarán no proxecto de urbanización aprobado polo concello.
- Saneamento e rede de sumidoiro.
- Subministración de gas natural.
- Eliminación de calquera servidume que grave a parcela e de calquera obstáculo que impida o normal funcionamento do referido centro.